



SONDAHA SA LESHOME LE METSO E MERARO HARA SELEMO SELEMO SA A

Baena le Dikgaitsedi ba ratehang ho Kriste

Sondaheng sena sa leshome le metso e meraro se Hara Selemo dipalo le molaetsa wa Lentswe la Modimo di tsepamisa maikutlo hodima 'kamohelo e mofuthu'. Memo ho rona jwaloka Bakriste ho fihlela ba bang hobaneng re setjhaba sa badumedi se kgathallang ba bang. Phutheho ya lerato e amohelang ba bang le ha e le barui kapa bafumanehi. Ho ba le dipelo tse mosa le leihlo la ho bona batho bohle jwaloka bana ba Modimo. Baena le dikgaetsedi ho Kriste.

Bokgabane bona ba kamohelo e mofuthu ke mokgabo-puo bakeng sa tlhokomediso e lerato la Modimo ho e mong le e mong wa rona. Lerato la Modimo le kamohelo e mofutho tse senotsweng ka Kriste. Pitso ya Modimo ka hlatsuo ke memo ya hae ho rona ka ho amohelwa phuthethong ya Boraro bo Halalelang jwaloka bara le baradi ba hapetsweng lelapeng la Modimo ya lerato le Ntat'a. Covid-19 eo re e bonang nakong ena e re phepetsa hore re fadimehele pitso ya rona ya Bokriste ka ho ba le kamohelo e mofutho ho bohle ba hlokang le ho feta.

Se hlokomelehang dipalong tsa rona tsa Lentswe la Modimo ho tswa Palong ya Pele ya buka ya bobedi ya Marena le Evangeding ya Matheu ke hore motho ya phetahatsang kamohelo e mofutho o putswa haholo ke Modimo. Mosa wa mosadi wa Shuneme ho Moprofeta Elisha ka ho mo amohela le ho mo nehela sebaka sa ho dula jwaloka monna ya halalelang wa Modimo ho iponahaditse. O ile a putswa mme a hlohonolofatswa ka mpho ya mora jwaloka ha e ne e le nyopa. Kamohelo ya ha e mofutho e ba le ditlamorao tse sa lebellwang. Sena ke mohlala wa seo Modimo a re etsetsang sona.

Evangedi ke karolo ya 'dithuto tsa borumuwa' tsa Matheu jwaloka ha barutuwa ba leshome le metso e mmedi ba romilwe ke Jesu e etsa dipehelo tsa boemo ba kamohelo e mofutho. Thomo ena ke phetahatso ya kamohelo e mofutho ho Modimo ka ho tlisa lerato la Modimo le pholosang ho bohle ba tla amohela molaetsa wa Evangedi. Evangedi e re phepetsa ho nka ntle le ho swaswa karolo ya rona jwaloka barumuwa bolateding ba Kriste.

Re memelwa ho beha Kriste le Ditaba tse Molemo tseo a di phatlaladitseng pele maphelong a rona a Bokriste. Hore bohlokwa ba Kriste le potlako ya phatlalatso le bopaki ba Evangedi di tla pele ho lelapa. Ntho e ka sehlohlolong ke ho ba jwalo ka Kriste. Ho jara difapano tsa rona letsatsi ka leng ho ba barutuwa ba lokeng ba hae.

Diocese of Kroonstad

Tel: (056) 212 6639

Fax: (056) 212 7705

Email: bishop.krd@xsinet.co.za

P.O. Box 129, Kroonstad, 9500



Evangedi jwale e re bontsa tsela ya ho ba le kamohelo e mofutho, ho bona jwaloka Kriste, ho fihlella bohle ba hloakang. Ha ho ya behellwang thoko. Jwaloka Kriste ya leng ka ho nna kapa ka ho rona ke Kriste ya leng ka ho baena le dikgaetsedi tsa rona. Kamano ya rona le Kriste e na le boleng hofeta dipotso ka tsa lefu le bophelo. 'Ea fumaneng bophelo ba hae bo tla mo lahlehela; athe ya lahlehetsweng ke bophelo ba hae ka baka la ka o tla bo fumana.'

Ho latela Jesu ha rona le ho ho ba barumuwa le barutuwa ba nnete ho tla tla le diphepetso tsa teng. Ha se ka mehla re tla amohelwang ha re phatlalatsa nnete ya Evangedi empa re se ke ra tela. Mamello ya rona le kamohelo e mofutho ya rona tsa rona di tla putswa ke Modimo.

Lengolo la Moapostola Paulosi ho Baroma le ho rona le re lebisa ho seo Modimo kamohelong e babatsehang e mofutho ya hae a re etseditseng sona ka Kriste. Hlatsuo ya rona bophelong ba Kriste. Kamano e tebileng ya rona le yena le ho nka karolo lefung le tsohong ya Kriste ke motheo oo re emang ho wona ho shwa sebeng le ho phela ho Kriste.

Kamano e tebileng ya rona le Kriste le Modimo ya mo romileng e bohareng ba pitso ya ho ba Bakriste ba 'Kamohelo e mofutho'. Ha re tsitlalelleng ho fadimehela pitso ena ka tsela e ikgethileng hara diphepetso tsa Covid-19. Ha re hopolaneng emong le mong wa rona dithapelong tsa rona.

Wa lona lebitsong la Kriste Morena

Mobishopo Peter Holiday